

Kuumbwa Katika Mfano wa Mungu

Mungu akasema, Na tumfanye mtu kwa mfano wetu, kwa sura yetu.—
Mwanzo 1:26.

Maisha ya Kristo yanapaswa yadhihirishwe katika ubinadamu. Mwanadamu alikuwa ni tendo-kilele la uumbaji wa Mungu, akiwa ameumbwa katika mfano wa Mungu, na kukusudiwa kuwa mwenzi wa Mungu; lakini Shetani amefanya kazi kubwa ya kuharibu mfano wa Mungu katika mwanadamu, na kutia ndani yake mfano wake mwenyewe. Mwanadamu anapendwa sana na Mungu, kwa sababu aliumbwa katika mfano Wake Mwenyewe. Ukweli huu yapasa utuguse kwa umuhimu wa kufundisha kwa kanuni na kielelezo ubaya wa dhambi ya kuchafua, kwa kuendekeza tamaa ya chakula, au kwa desturi nyingine yoyote, mwili uliokusudiwa kumwakilisha Mungu duniani...

Ili tupate kuelewa thamani ambayo Mungu ameiweka kwa mwanadamu, inatupasa tuelewe mpango wa ukombozi, kafara ya ghali sana ambayo Mwokozi wetu aliifanya kwa ajili ya kuokoa jamii ya wanadamu kutoka katika uangamivu wa milele. Yesu alikufa ili arejeshe lulu moja yenye thamani ya juu sana... Maisha ya watoto wa Mungu ni maisha ya kujikana nafsi, ya kujitoa kafara, maisha ya unyenyekevu. Wale wasio washirika wa mateso Yake hawawezi kuwa na matumaini ya kushiriki utukufu Wake... Yatupasa tuhukumiwe kulingana na namna ambayo tunatumia ujuzi wa ile kweli ambayo imewasilishwa kwetu.

Bwana alimtoa Mwana Wake wa pekee kutukomboza sisi kutoka dhambini. Sisi tu ustadi Wake, sisi tu wawakilishi Wake duniani, Naye anatutarajia kwamba tutadhihirisha thamani ya kweli ya mwanadamu kwa usafi wetu wa maisha, na jitihada za dhati zinazowekwa kwa ajili ya kurejesha lulu ya thamani kuu. Tabia yetu yapasa itengenezwe kulingana na mfanano wa Mungu na kutengenezwa kwa ile imani itendayo kazi kwa upendo na kusafisha nafsi. Neema ya Mungu itatengeneza uzuri, itaadilisha na kutakasa tabia. Mtumishi wa Mungu atendaye kazi kwa akili atafanikiwa. Mwokozi wetu aliserha, "kazi nizifanyazo mimi, yeye naye atazifanya; naam, na kubwa kuliko hizo atafanya, kwa kuwa mimi naenda kwa Baba."

Hizi "kazi kubwa" ni zipi? Midomo yetu ikiguswa na kaa lililo hai kutoka kwenye madhabahu, tutadhihirishia ulimwengu upendo wa kushangaza uliodhihirishwa na Baba katika kumtoa Yesu, Mwana Wake, wa pekee, kwa ulimwengu, "ili kila mtu amwaminiye asipotee, bali awe na uzima wa milele."

Siri ya Mungu kuwa mwanadamu katika Kristo, habari ya mateso Yake, kusulubishwa Kwake, ufufuo Wake, na kupaa Kwake, inafungua kwa wanadamu wote upendo wa kushangaza wa Mungu. Hili linaipa ile kweli nguvu. Sifa za Mungu zilijulikana kupitia katika maisha na matendo ya Kristo. Yeye alikuwa mwakilishi wa tabia ya Mungu (The Review and Herald, Juni 18, 1895).

Umbaji wa Mungu ndiyo hazina ya utajiri ulioandaliwa kwa ajili Yake kutumia mara moja kwa ajili ya furaha Yake (The S.D.A. Bible Commentary, Ellen White Comments 1:1081).